

漢

魏

遺

書

鈔

孝經內事

漢 南陽宋均註

南城鄭作梅校

天子行孝德則景星見

王者動得天度止得地意從容中道陰陽合度則太  
微五帝座星明以光也

王者得禮之制不傷財不害民君臣和草木昆蟲各  
象正性則三台爲齊明不濶不狹如其度

宋均云君臣制度宮室車旗多少各有斜品則應  
也

王者敬諸父有差則火角光明以揚

宋均云諸父伯仲叔季也斗爲帝車所乘也角堅剛而居帝前帝敬諸父感天應之也

王者遠嫌別微殊貴賤抑驕臣息亂子則屏星爲之明以潤章大也

天子得雲臺之禮則五車均明河行不離其常

宋均云天子考察天氣若梓慎見星之侵者也所以獲福禳災五車主五穀民禳災得福民無飢寒之困五穀星之明以應之河若離常則有決溢之

憂則九穀失所植矣

昆弟有親親之思則鈞鈐人房

宋均云房心爲天子明堂布政之宮長幼厚則政  
著明房心應之而時也

彗在北斗禍大起在三台臣害君在大微君害臣在  
天獄諸侯作禍彗行所指其國大惡四彗在月中者  
君有德天下欣心大豐盛

鄭覽本作孝經內記始皇本紀正義引此亦作內記

序錄

隋志劉炫撰古文孝經述義五卷

唐志同

隋書本傳曰炫字光伯河間景城人也少以聰敏見稱與信都劉焯並稱二劉煬帝時爲太學博士著孝經述義行於世

正義曰古女孝經孔傳本出孔氏壁中語甚詳正無侯商摧而曠代亡逸不被流行隋開皇十四年書學生王逸於京市陳人處買得一本送與著作王邵以示河間劉炫仍令校定而此書更無兼

本難可依憑炫輒以所見率意刊改因著古文孝

經稽疑一篇

下有劉子元司馬貞議今在文孝經長短興廢文多不錄

謨按隋志炫於尙書毛詩春秋論語皆有述義雖畧散見諸經正義而無成說可采惟邢昺孝經疏中引炫義獨有本末今並鈔出凡十二條

孝經述義

隋 河間劉炫撰

金谿何士杰校

孔子自作孝經本非曾參請業而對也立有百行以  
孝爲本本立而後道行道行而後業就故曰明王之  
以孝治天下也然則治世之要孰能非乎徒以教化  
之道因時立稱經典之旨隨事表名至使威儀禮節  
之餘盛傳當代孝悌德行之本隱而不彰夫子運偶  
陵遲禮樂崩壞名教將絕特感聖心因弟子有請問  
之道師儒有教誨之義故假曾子之言以爲對揚之

體乃非曾子實有問也若疑而始問答以申辭則曾子應每章一問仲尼應每問一答按經夫子先自言之非參請也諸章以次演之非待也且辭義血脉文連旨環而關宗題其端緒餘章廣而成之非一問一答之勢也理有所極方始發問又非請業請答之事首章言先王有至德要道則下章云此之謂要道也非至德其孰能順民皆遙結道本答曾子也舉此爲例凡有數科必其主爲曾子言首章答曾子已了何由不待曾子問更自述而修之且三起曾參侍坐與



之別二者是問也一者歎之也故假言衆聞曾子坐也與之論孝問衆明義上陳天子下陳庶人語盡無更端於曾子未有請故假參歎孝之大又說以孝爲理之所歸之以終欲言其聖道莫大於孝又假參問乃證聖人之德不加於孝在前論敬順之道未有規諫之事慙懃在悅色不可頓說和顏故須更借曾子言陳諫爭之義此皆孔子須參問非參須問孔子也莊周之斥鴳笑鵬圖商閔影屈原之漁父鼓柁太卜拂龜馬卿之烏有無是揚雄之翰林子墨寧非師祖

製作以爲楷模者乎若依鄭註實居講堂則廣延生  
徒侍坐非一夫子豈凌人侮衆獨與參言邪且云汝  
知之乎何必直汝曾子而參先避席乎必其徧告諸  
生又有對者當參不讓儕輩而獨答乎假使獨與參  
言言畢參自集錄豈宜稱師字者乎由斯言之則參  
發極夫子所撰也而漢書藝文志云孝經者孔子爲  
曾子陳孝道也謂其爲曾子特說此經然則聖人之  
有述作豈爲一人而已斯皆誤本其文致茲乖謬也  
所以先儒注解多所未行唯鄭玄之六藝論曰孔子

以六藝題目不同指意殊別恐道離散後世莫知根源故作孝經以總會之其言雖則不然其意頗近之矣然入室之徒不獨假曾子爲言以參偏得孝名也老子曰六親不和有孝慈然則孝慈之名因不和而有若萬行俱備稱爲人聖則凡聖無不盡也而家有三惡舜稱大孝龍逢比干忠名獨彰君不明也孝已伯奇之名偏著母不慈也曾子性雖至孝蓋有由而發矣菘蒸不熟而出其妻家法嚴也耘瓜傷苗幾殞其命明父少恩也曾子孝名之大其或由茲

參

性遜朴躬行匹夫之孝也

夫子敘經申述先王之道詩書之語事有當其義則引而證之示言不虛發也七章不引者或事義相違或文勢自足則不引也五經唯傳引詩而禮則雜引詩書及易並意及則引若汎指則云詩曰詩云若指四始之名卽云國風大雅小雅魯頌商頌若指篇名卽言句曰武曰皆隨所便而引之無定例也愛惡俱在於心敬慢並見於貌愛者隱惜而結於內敬者嚴肅而形於外

孔傳蓋者率較之辭劉炫云率較猶梗槩也孝道既廣此纔舉其大畧也而鄭註云蓋者謙辭若以制作須謙則庶人亦當謙矣苟以名位須謙夫子曾爲大夫於士何謙而亦云蓋也斯則卿士以上之言蓋者並非謙辭可知也

甫刑卽尙書呂刑也後爲甫侯故稱甫刑炫以爲遭秦焚書各信其學後人不能改正而兩存之也  
涉親至而尊不至豈則尊之不極也君尊至而親不至豈則親之不極也惟父旣親且尊故曰兼也

遺謂意不存錄侮謂忽慢其人失謂不得其意小國  
之臣位卑或簡其禮故云不敢遺也鰥寡人中賤弱  
或被人輕侮欺陵故曰不敢侮也臣妾營事產業宜  
須得其心力故云不敢失也明王汎公侯伯子男諸  
侯汎士民卿大夫汎妻子者以王者尊貴故汎列國  
之貴者諸侯差界故汎國中之卑者以五等皆貴故  
汎其界也大夫或事父母故事汎家人之貴  
者也

德者得於理也義者宜於事也得理在於身宜事見

於外謂理得事直行道守正故能爲人所尊也

詩美民之父母證君之行教未證至德之大故於詩下別起歎辭所以異於餘章

禮記內則云子事父母慈以旨甘喪服四制云高宗慈哀於喪莊子曰事親則孝慈此並施於事上夫愛出於內慈爲愛體敬生於心恭爲敬貌此經悉陳事親之迹寧有接下之文夫子撮心而爲言所以唯稱愛敬曾參體貌而兼取所以并舉慈恭

案下文云子不可以不爭於父臣不可以不爭於君

則爲子爲臣皆當諫爭豈獨大臣當爭小臣不爭乎  
豈獨長子當爭其父衆子不爭者乎若父有十子皆  
得諫爭王有百辟惟許七人是天子之佐乃少於匹  
夫也又案洛誥云成王謂周公曰誕保文武受民亂  
爲四輔罔命穆王命伯冏惟予一人無良實賴左右  
前後有位之士匡其不及據此而言則左右前後四  
輔之謂也疑丞輔弼當指於諸臣非是別立官也謹  
案周禮不列疑丞周官歷叙羣同顧命總名卿士左  
傳云龍師鳥紀尚禮云五官六大無言疑丞輔弼專



掌諫爭者若使爵視於卿祿比次國周禮何以不載  
經傳何以爲文且伏生大傳以四輔解爲四鄰孔注  
尙書以四鄰爲前後左右之臣而不爲疑丞輔弼安  
得又采其說也左傳稱周主辛甲之爲太史也命百  
官箴王闕師曠說匡諫之事史爲書瞽爲詩士誦箴  
諫大夫規誨士傳言官師相規工執藝事以諫此則  
凡在人臣皆合諫也夫子言天子有天下之廣七人  
則足以見諫爭功之大故舉少以言之也然父有爭  
子士有爭友雖無定數要一人爲率自下而上稍增

一人則從上而下當如禮之降殺故舉七五三人也

序錄

隋志隸爲文學爾雅注三卷

經典叙錄曰隸爲郡文學卒史臣舍人漢武帝時  
待詔闕中卷

經義考曰按舍人待詔在漢武時此釋經之最古  
者其書雖不傳聞采於邢氏之疏疏所未載字義  
可考者猶若干條見之陸氏釋文

謨案陸氏經典叙錄此書原闕中卷故自釋訓以  
下釋草以上竝無一語見釋文及諸疏惟賈思勰

齊民要術引釋器一條酈道元水經注引釋水二條賈鄴二人著書俱在陸前必猶及見全本也又釋文及諸經疏俱引作舍人曰惟陸璣詩疏所引二條稱犍爲文學此陸璣三國時吳人故其稱謂如此而文選羽獵賦注一引爾雅犍爲舍人注一引釋詁郭舍人注舍人姓郭亦惟見此別無考証今竝鈔出邢疏八十四條釋文四十三條毛詩釋文二條尙書疏五條毛詩疏十六條禮記疏一條左傳疏七條公羊疏一條齊民要術二條水經注

三條陸璣詩疏二條文選注二條

漢魏道書鈔

爾雅注

二

爾雅註

漢 隄為文學撰

新城潘洪恩校

冢大也 冢封之火也

漢謀也 漢者心之謀也

黃髮觀齒 齒背者老壽也 黃髮者老人髮白復黃

也 鯨背者老人氣衰皮膚消瘠背若鯨魚者觀也

血氣精華觀竭言色赤黑如狗矣 疏 玆邢

譁浪笑放戲譁也 譁戲也浪意萌也笑心樂也敖

意舒也戲笑邪戲也譁笑之貌也 毛詩 疏

崇充也 威大充盛左傳疏

肩勝也 肩強之勝也

余身也 余謙界之身也

殲盡也 殲衆之盡也

痲癰瘰 皆心憂憊之病也疏 泣邪

諛言也 諛政之善言也尙書疏

匿蔽竄微也 匿者藏之微也蔽者覆障使微也竄

者行之微也是皆微昧不顯揚也

毗劉暴樂也 毗劉暴樂之意也木枝葉稀疎不均

爲棗樂

楨翰榦也 楨正也築牆所立兩木也翰所以當牆

兩邊障土者也

圉垂也 圉拒邊垂也

棲遑息也 棲遑行旅之息 竝邢疏

供峙 舍人本 共具也 共具物也 借具事也 文選注

算數也 釋數之曰算

亂治也 亂義之治也 竝尙書疏

溢慎也 溢行之慎也 邢疏

莫鬼貞厚 疏爾雅注



享孝也珍享獻也 馱珍物曰珍獻食物曰享文選注

燠煖也 燠温煖也尚書疏

驛傳也爾雅本作驛遠傳也 驛尊者之傳也左傳疏

原再也舍人本作

蓋割裂也舍人本作

庇庶廢也 庇蔽也庶依止也

祺祥也 祺祥之祥謂徵祥也

珠寶也 美寶曰琛

茅明也 茅昧之明也

羴羴也 羴所謂毛羴也胡人積羊毛而作衣

烘燎也 燂燂也 烘以火燎也 燂燂竈也疏邢

憇怒聲也同上 緇舍人本 介也 緇羅也 介別也

窳舍人本 跳者躍之間並釋

濬幽深也 哲智也 濬下之深也 哲大智也疏邢

債儻也 背踏意也

俚暇也 閒暇無事也並左

宵夜也 宵陽氣消也邢

廩廩也 廩少鮮也釋

愷悌發也

愷舍人本作國

國明發行

醜媿也

醜擅也

一曰面貌也謂自尊擅之貌

詩疏

明明斤斤察也

明明甚明也斤斤物精詳之察

條條

舍人本作條

矯矯

得勝之勇也

沈沈

舍人本作沈

薨薨

舍人本作薨

委委佗佗

舍人本作委

律律者心之美也

低低

舍人本作低

赫赫舍人本作爽

塙塙舞貌

夢夢訥訥亂也 夢夢訥訥煩滯亂也  
並釋文

邈邈闊也 藐藐憂闊也  
邢疏

仇仇敖敖傲也 教教舍人本作 仇仇無倫理之貌

替替衆口毀人之貌  
釋文

眇眇瑣瑣小也 眇眇形容小貌瑣瑣計謀褊淺之

貌

畎畎耜也 畎畎耜入地之貌

漢魏遺書鈔爾雅注

釋釋生也

穀皆生之貌

疏 茲邢

峩峩祭也

峩峩奉璋之貌

疏 毛詩

子子孫孫引無極也

子孫長行美道引無極也

臯臯瑁瑁刺素食也

臯臯不治之貌

譔譔謫謫皆譏惡也

譔譔謫謫皆盛烈貌

抑抑密也

威儀密靜也

朔朔方也

朔盡也北方萬物盡故言朔也

疏 茲邢

饔

舍人本

酒食也

喜古曰饔

釋文

是刈是漙

是刈刈取之是漙漙治之

疏 邢

履帝武敏敏舍人本作敏古者姜嫄履天帝之迹於感

之中而生后稷釋文

暴虎徒搏也 無兵空手搏之邢疏

遠條戚施 遠條巧言也戚施令色誘人也

夸毗體柔也 界身屈亡也文苑釋

斲斷謂之定 斲斷鈕也一名定齊民要術

歸異出同流肥 水異出流行合同曰肥

水草交為滌 水草木交合也竝水經注

卉草 凡百草一名卉尚書疏

菜王芻 菜一名王芻

蔚牡藪

蔚一名牡藪

疏 竝邢

瓠

舍人本

棲辯

觚瓠也

文釋

戎菽謂之荏菽

今以為胡豆

毛詩

莪蘿 莪一名蘿

白華野菅 白華一名野菅

瓟其紹瓟 瓟名瓟小瓜也紹繼謂瓟子漢中小

瓜曰瓟

臺夫須 臺一名夫須

菽蚍𧈧 菽一名蚍𧈧

紅龍古其大者蹄 紅一名龍其大者各蹄

萍萍 萍一名萍大者各蘋並刑

與九葉 與九葉九枚其一莖

倚商活臉倚舍人本  
作倚音同

芑與與舍人本作  
並釋文

蔞委葉 蔞一名委葉刑

中馗菌舍人本  
作中鳩 菟奚名穎東穎東名中鳩釋文

茗陵茗黃華稟白華芟 茗陵茗也黃華名藁白華



名芟別花色之名也

蕨鼈 蕨一名鼈

稷童梁 稷一名童梁

藟藟 藟一名藟藟

長楚鉞芑 長楚一名鉞芑 並邢疏

薺蕒大薺 薺有小故言大薺 齊民要術

葭華 葭一名華 毛詩疏

栲山栲 栲名山栲 邢疏

柷攄 柷名攄 毛詩疏

栝 江淮之間呼小栗為栝栗

毛詩釋文

蒺藜 音合人本作栝

釋文

杜甘棠 杜赤色名赤棠白者亦名棠

邢疏

秋藏櫟實音合人

櫟音合人本作栗

櫟其實棟 櫟其實名棟也

櫟梧

樸枹者

謂櫟采薪采薪即薪 舍人引上句櫟梧來合 櫟者

其理也樸者相追附也棗者莖也如竹箭一讀曰

抱也櫬名采薪又名卽薪並釋文

桑辨有甚樅 桑樹一半有甚半無甚為樅

唐棣核 唐棣一名核

常棣核 常棣一名棣並邢疏

椅梓 椅一名椅毛詩疏

臝木苻婁舍人本苻婁屬下句

蜚蠊墨 蜚蠊一名墨

蟪蛄蚩 皆蟪也方語不同三輔以西為蟪梁宋以

東謂蛄為蟪蚩小蟪也並邢疏

奚相舍人本作奚

釋文

蜉蝣梁巽 蜉蝣一名渠巽南陽以東曰蜉蝣梁宋

之間曰渠巽似蛄虺身狹而長有角黃色叢生藁

土中朝生暮死豬好啖之邢疏

蜚蠊蝻蟻 今所謂春黍也毛詩疏

不蠲蠹蟻 不蠲名蠹蟻今之蠹娘也禮記疏

螟蛉桑蟲 螟蛉者桑上小青蟲也似蒼屈其色青

而細小或在草葉上

食苜心螟食葉蠶食節賊食根蝨 此四種蟲皆蝗

也詩疏陸璣

伊威委黍 伊威名委黍

蠨蛸長蜻 蠨蛸名長蜻

螢火即熠 夜飛有火蟲也詩疏

鯀鱸 鯀一名鱸邢疏

鮪舍人本無此字釋文

鱧鮠 鱧一名鮠邢疏

鯨鮪 鯨石鮪也毛詩釋文

貝 水中蟲也邢疏

活東 舍人本作穎

蝮虺 蝮一名虺江淮以南曰蝮江淮以北曰虺

雀其鳩鴝 鴝一名鳩鴝今楚鳩也 左傳

鵙鳩鴝 鵙鳩一名鴝鳩今之斑鳩 邢疏

鴝鳧鴝 鳧野名也鴝家名也 左傳

鴝鴝鴝 鴝一名鴝鴝 詩疏引舍人

桃蟲鴝其鳩鴝 桃蟲名鴝其鳩名鴝 邢疏

鴝斯鴝鴝 鍵為舍人以為

鴝鴝母 舍人本作

漢魏遺書鈔 爾雅註

士

雋周燕燕鳥 雋周燕燕鳥 雋周燕燕鳥 一物三名

鷓鴣鷓鴣 鷓鴣一名鷓鴣疏 竝那

騅其夫不騅 騅名其夫不毛詩

西方曰鷓鷓 東方曰鷓鷓 南方曰翟翟 西方曰鷓鷓 釋四方

之雉名也左傳

春屬鷓鴣 相五土之宜趣民耕種者也

夏屬鷓鴣 趣民耘苗者也

秋屬鷓鴣 趣民收斂者也

冬屬鷓鴣 趣民蓋藏者也

鵲屬竊丹 爲果驅鳥者也

百鳥嗜嗜 晝爲民驅鳥者也

宵鳥嘖嘖 夜爲農驅獸者也

桑鳥竊脂 爲蠶驅雀者也

老鳥鷓鴣 趣民收歛令不得晏起者也 按邢疏引左傳九鴈

爲九農正以此入鳥并上鳥鷓鴣爲九賈遠註云云舍人樊光注爾雅其言亦與賈同故並錄之

皇黃鳥 皇名黃鳥

晨風鷓 晨風一名鷓擊鳥也

鷹隼醜其飛也 謂隼鷓之屬也 疏並邢



充鳥隳 充鳥高飛也隳隳財可見也釋文

狼牡獾牝狼其子獾絕有力也 狼牡名獾牝名狼

其子名獾絕有力者名迅

獾獾 獾一名獾

所寢槽 豕所寢草名爲槽並邢疏

獾白狐其子毅 獾名白狐其子名毅尚書疏

熊如熊黃白文 羆如熊色黃白也邢疏

驕如馬一角不角者驕 驕如馬而有一角不有角

者名驕公羊疏

猶如房 猶舍人  
本作房

寓屬 舍人本  
作虞屬

鼯鼠 其鳴如犬也 並釋  
交

鼯鼠 詩碩鼠五枝鼠也 毛詩  
疏

駮蹄 駮善陞廐 駮蹄者潤蹄也 駮平也 謂蹄平正

善陞廐者登山隙也 一云廐者阪也 言駮善登高

歷險上下於阪 秦時有駮蹄苑是也 邢  
疏

駮駮枝蹄 駮善陞廐 駮駮者外國之名枝蹄者枝

足也

前足皆白蹊舍人本

後足皆白狗舍人本

白馬黑鬣舍人本作

陰白雜毛驪今之泥驄也

形白雜毛駮赤白雜毛今赭馬名駮

一目白瞞二目白魚一目白曰瞞二目白為魚

青驪馬青驪馬今名駟馬也

駮赤色名曰駮並毛詩疏

馬的額白顛的白也額額也額有白毛今之戴星

馬也易震爲駟類

田獵齊足 田獵取牲於苑圃之中追飛逐走取其

疾而已 並刑 疏

仇合也 仇相求之匹 毛詩疏以下補遺

盾繼也 盾繼世也 春秋 疏

怒思也 怒志而不得之思也

饑饋也 饑自家之野也 並毛詩疏

臞瘠也 臞瘦也 史記 索隱

啜茹也 啜茹食也 左傳 疏

庶侈也 庶衆也侈多也

隍壑也 隍城池也壑溝也

郝郝 舍人本作釋釋 耕也釋釋猶霍霍解散之意

鑼鑼 舍人本作聖聖 樂也 喤喤鐘鼓之樂也

穰穰福也 穰穰衆多之貌也

藹藹萋萋 藹藹賢士之貌萋萋梧桐之貌 並毛詩疏

美士爲彥 國有美士爲人所言道 邢疏

東西牆謂之序 殿東西堂序尊卑處

西北隅謂之屋漏 古者徹屋西北扉以炊浴及者

訖而復之古謂之屋漏也

東北隅謂之宦 東北陽氣始起萬物所養故謂之

宦

東南隅謂之窆 東南萬物生蟄蟲必出無不由戶

突

開謂之楨 侏儒柱下小方木

屏謂之樹 以垣當門蔽爲樹

翼謂之汕 以薄汕魚曰翼

麋畧謂之冢 麋有難制張冢也

莛罔謂之羃 莛剛惡蔽人故張網以羅之也

大笙謂之巢小者謂之和 大笙音聲衆而高也小者音相和也

大箎謂之沂 大箎其聲悲沂鏘然也詩云仲氏吹箎也

大管謂之籥其中謂之篴小者謂之篥 大管聲高大故曰籥籥音高也中者聲相密故曰篴篴密也小者聲音清妙也

大籥謂之產其中謂之仲小者謂之箛 仲其聲適

仲呂也小者形聲細小故曰籥

九夷八狄七戎六蠻謂之四海 晦冥無識不可教

晦故曰四海

距齊州以南戴日為丹穴 自中州以南目光所照

故曰丹穴

人所為為濡 人力以水為居止 並御覽

染稷 染一名稷稷粟也 春秋疏

衆秣 秣黏粟也 齊民要術

藿赤苗芑白苗 別米赤白苗也 御覽 是伯夷叔齊所



食首陽草也齊民要術

莞苻薤 白蒲一名苻薤楚謂之莞

唐蒙女蘿女蘿菟絲 唐蒙一名女蘿女蘿又名菟

絲前毛詩疏

莖蕨蓋 青州白莖

苧麻母 苧苴麻一名麻母並御覽

杏花如荼可耕白沙說文緊傳

杞枸櫞 苞杞也左傳疏

楨赤棟 楨名赤棟也

蚺蜉大螳小者螳 蚺蜉即大螳也小者即名螳也

並毛

詩疏

食苗心螟 食苗心者名螟言冥冥然難知也

春秋疏

春屬鴉鷓夏屬竊玄秋屬竊藍冬屬竊黃桑屬竊脂

棘屬竊丹行屬喞喞宵屬嘖嘖 鴉鷓相五土宜

穀種樹也竊玄黑色移民耘苗竊藍青色移民收

歛竊黃移民蓋藏竊丹赤色為民驅鳥行扈畫行

鳴霄扈夜行鳴皆隨四時同依諸屬為節候也

御覽

南方曰鶡東方曰鷓北方曰鷓西方曰鷓 釋四方

之雉名也

春秋疏

黃白驄

舍人本作皇

黃白色雜名皇

青驪麟驛

色有淺深似魚鱗也

並毛詩疏

青驪繫鬣騫

繫鬣馬騮也

釋文。左傳疏引此云鬣鬣也

序錄

隋志爾雅圖十卷郭璞撰梁有爾雅圖讚二卷亡

晉書本傳曰璞注釋爾雅別爲音義圖讚

文心雕龍曰景純注雅動植必讚

邢昺疏曰序云別爲音圖用祛未寤者謂注解之外別爲音一卷圖讚二卷字形難識者則審音以知之物狀難辯者則披圖以別之用此音圖以祛除未曉寤者故云用祛未寤也

通志藝文畧曰爾雅圖蓋本郭注而爲圖今雖亡

有郭璞注則其國可圖也

爾雅圖贊

晉 河東郭璞撰

金谿鄭時敏校

釋天地圖

贊曰祭地肆瘞郊天致禋氣升太一精淪九泉至  
敬不文明德惟鮮

星圖

贊曰茫茫地理繁爛天文四靈垂象萬類羣分  
觀六沴咎徵惟君 並類聚

釋水

贊曰川瀆綺錯渙灩流帶潛潤旁通經榮華外殊

出同歸混之東會

初學記

比目

釋地東方有比目魚焉不比不行其名謂之鱈

贊曰比目之鱈別號王餘雖有二片其實一魚協

不能密離不為疏

比翼

南方有比翼鳥焉不比不翼其名謂之鵀鵀

贊曰鳥有鵀鵀似鳧青赤雖云一質氣同體隔延

頸離鳴翻能合翮

比肩

西方有比肩獸焉與印比肩陸比其名謂之蟹

贊曰歷與匪虛尔免作鼠長短相濟彼我俱舉有

若自然同元共替

軹首

中有軹首蛇焉  
上並釋地

贊曰夔稱一足蛇則二首少不知無多不覺有雖

資天然無異駢拇

崑崙

釋正三成  
為崑崙正

贊曰崑崙月精水之靈府惟帝下都西羗之宇嶠

然中峙號曰天柱

並類聚

河源

釋水河出崑崙  
崑虛色白



贊曰崑崙三層號曰天柱實惟河源水之靈府釋文

鼎釋器鼎絕大謂之雝

贊曰九牧貢金鼎出夏后和味養賢以無化有赫

赫三事鑒於覆菽

金銀黃金謂之璽白金謂之銀

贊曰惟金三品揚越作貢五材所珍是謂國用務

經軍農爰及彫弄

筆不律謂之筆

贊曰上古結繩易以書契經緯天地錯綜羣藝日

用不知功蓋萬世

珪 以玉者謂之珪珪大尺一寸謂之玠。上並釋器

贊曰玉作五瑞辨章有國君子鳴佩亦以表德永

觀厥祭時惟文則

蘼蕪 釋草蕪蘼蕪

贊曰蘼蕪善草亂之蛇床不隕其實自別以芳佞

人似智巧詭如簧

芙蓉 荷芙蓉注云別名芙蓉

贊曰芙蓉麗草一日澤芝泛葉盈布映波緜熙伯

陽是食饗北靈期

麻麻實

贊曰草皮之良莫貴於麻用無不給服無不加至

物在邇求之好遐

萍萍其

贊曰萍之在水猶卉植地靡見其有渙爾鱗被物

無常託孰知所寄

菊菊治菊注云

贊曰菊名曰精布華京月仙客薄采何憂華髮覽御

引作仙客是

尋採薄捋

欵冬

菟奚類凍注云欵冬也紫赤華生水中

贊曰吹萬不同陽煦陰蒸欵冬之生擢穎堅冰物體所安焉知渙凝

桃枝

桃枝四寸有節

贊曰叢薄幽蒼從風蔚猗簞以寧寢杖以扶危

茅苜

茅苜馬馬馬馬車前

贊曰車前之草別名茅苜王會之云其實如李名

之相亂在乎疑似

並類聚

卷施

卷施草拔心不死注云宿莽也  
案類聚引作卷施。上並釋草

贊曰卷施之草拔心不死屈平嘉之諷詠以比取

類雖邇興有遠旨

桂

釋木校木桂注云今南  
人呼桂厚皮者為木桂

贊曰桂生南裔拔萃岑嶺廣莫熙葩凌霜津賴氣

王百藥森然雲挺

椒

椒大

贊曰椒之灌植實繁有榛蕪林烈薄醇其芬辛服

之不已洞見通神

崇東壺棗邊棗棗

贊曰建國辨方外朝九棘因材制義赤心鯁直藹藹鄉士亮此衮職

五果

贊曰果旅之品割啗因宜雖曰微質貴賤有差御覽

梧桐總梧注云今梧桐口上並釋木

贊曰桐實嘉木鳳凰所棲爰伐琴瑟八音克諧歌以永言雍雍喈喈

蟬釋蟲蝓蝦蟆蝓蟬蝓。方言云楚謂之蝓宋衛之間謂之蟬陳鄭之間謂之蝦蟆秦晉之間謂之蟬

贊曰蟲之精潔可貴惟蟬潛蛻棄穢飲露恒鮮萬

物皆化人胡不然

螳

不過蟪蛄其子蜉蝣。案方言云潭魯以南謂之螳蟻三河之域謂之螳蟪

贊曰螳蟪飛蟲揮斧奮臂當轍不迴句踐是避身

士致斃厲之以義

並類聚

虻

虻虻蚤蠶注云即蝱也。案廣雅云蝱蝱虻也

贊曰虻虻土精無心之蟲交不以分媾於阜蚤觸

而感物無乃常雄

蚍

蚍蚍大螳小者蚍

贊曰蚍蜉瓊劣蟲之不才感陽而出應雨講臺物  
之無懷自然知來並御覽

尺蠖變蚺

贊曰貴有可賤賤有可珍嗟茲尺蠖體此屈伸論

配龍蛇見歎聖人

熒火

熒火即炤江云夜飛腹下有火。並釋蠹

贊曰熠燿宵行蟲之微么出自腐草煙若散漂物

之相煦孰知其陶

蚌

釋魚蚌舍衆



贊曰萬物變蛻其理無方雀雉之化含珠懷璫與

月虧盈協氣晦望

龜

龜俯者靈仰者謝

贊曰天生神物十朋之龜或游於火或游於著雖

云類殊象二一歸壘壘致用極數盡幾

貝

貝居陸賤在水者鹹

贊曰先民有作龜貝為貨貴以文采賈以小大簡

則易資犯而不過

螭

螭螭

贊曰騰蛇配龍因霧而躍雖欲升云雲罷陸畧材  
非所任難以久託

蟒蛇

蟒王蛇。上並釋魚。

贊曰蠢蠢萬生或以類長惟蛇之君是謂巨蟒小  
則數尋大或言丈

燕

釋鳥燕。燕乳。

贊曰燕燕子飛瑞娥以卵立玉爰發聖敬日遠商  
人是頌詠之弦管

翡翠

翠鵲

贊曰翠雀麋鳥越在南海羽不供用肉不足宰懷  
璧其罪賈害以采

鼯鼠

鼯鼠夷山  
上並釋鳥

贊曰鼯之為鼠食煙棲林載飛載乳乍獸乍禽皮  
藉孕婦人為大任

貔

釋獸貔白  
狐其子貔

贊曰書稱猛士如虎如貔貔蓋豹屬亦曰執夷白  
狐之云似是而非

麟

麋身牛  
尾一角

贊曰麟惟靈獸與麀同體智在隱蹤仁表不抵孰  
為來哉宣尼揮涕

兕

兕似牛

贊曰兕惟壯獸似牛青黑力無不傾自焚以韋皮

充武備角助文德

犀

犀似象

贊曰犀之為狀形兼牛豕力無不傾吻無不靡以

助嬰災因乎角特

並類

狒

狒狒加人被髮近走食人

贊曰狒狒怪獸被髮握竹獲人則笑唇蔽其目終

乃號吽反為我戮爾雅

猩猩猩猩小  
而好啼

贊曰能言之獸是謂猩猩厥狀似猴號音若嬰自

然知往頗識物情

鼯鼠有螫毒者

贊曰小鼠曰鼯實有螫毒乃食郊牛不恭是告厥

譴惟明微乎其覺

鼯鼠形大如鼠頭似兔  
每在田中食粟豆

贊曰五能之鼠技無所執應氣而化翻飛駕集詩  
人歌之無食我粒

鼯鼠

豹文鼯鼠。上並釋獸。

贊曰有鼠豹采厥號為鼯漢朝莫知即中能名賞  
以東帛雅業是盛

駒駘

釋畜駒駘馬

贊曰駒駘野駿產自北域交頸相摩分背翹陸雖  
有孫陽終不在服

駮

駮如馬偁牙食虎肉

贊曰駁惟馬類實獸之英驥首騰尾噓天雷鳴氣  
無不凌吞虎辟兵

馬既差我馬差擇也宗廟齊  
毫戎事齊力田獵齊足

贊曰馬出明精祖自天駟十閑六種各有名類三  
才五御駑駘異轡

羊羊牡粉牝牝  
。上並釋畜

贊曰月氏之羊其類在野厥高六尺尾亦如馬何

以審之事見爾雅並類

鶴如鶴短尾射之術  
矢射人。補釋鳥

贊曰鵲鷦之鳥一名墮羿應弦銜鏑矢不着地逢

蒙縮手餐由不睨

爾雅疏



原缺

孟子注

漢 北海劉熙注

南城李圻校

叟

長老之稱史記趙世家注

王若隱其無罪

隱度也文選崔子玉座右銘注

為長者折枝

折枝若今之按摩也後漢書王賜傳注

樂正子

樂正姓也子通稱也名尅王仲寶褚淵碑文注

夫子當路於齊

當仕路也歐陽堅石薛終詩注引綦母邃注

則具體而微

體者四肢股脚也具體者皆微者也皆具聖人之

體微小耳體以喻德也李蕭遠運命論注

伯夷隘柳下惠不恭

隘謂疾惡大甚無所容不恭謂禽獸畜人是不敬

陶徵士詠注  
引綦母邃注

孟子去齊宿於晝

劉熙注作晝音獲

晝齊西南近邑

史記田單列傳注

周人百畝而徹

家耕百畝徹取十畝以為賦也

孝經疏

秋陽以暴之

周之秋於夏為盛陽也

沈休文齊安陸昭王碑文注引蔡母遂注

蓋歸及蘩程而掩之

蘩盛土籠

毛詩釋文

為之詭遇

橫而射之曰詭遇

張平子東京賦注

景春

景春孟子時人為縱橫之術者

枚叔七發注

脅肩諂笑

脅肩悚體也

揚雄解嘲注

病於夏畦

今俗以五十畝為大畦二十五畝為小畦

潘安仁在懷縣

詩注

驅蛇龍而放之菹

澤生草言藎

左大冲蜀都賦注引藎母遂注

沛澤多而禽獸至

沛水草相半

後漢書崔駰傳注

知我者 罪我者

知者行堯舜之道者也罪者在王公之位見貶絕

者

孔子世家注

陳仲子 蠶食實者過半矣

陳仲子齊一介士也蠶蟲也李實有蟲食之過半

言仲子目無見也

彼身織履妻辟纴

仲子自織履妻紡纴以易食也緝纴其麻曰辟練

絲曰纴也

並張景陽雜詩注

其良人出

婦人稱夫曰良人

顏延年秋胡詩注

出從而拵之

舜以權謀自免亦大聖人有神人之助也

舜避堯之子於南河之南

南河九河之最在南者

夫然後之中國踐天子位焉

天子之位不可曠年於是遂反格于文祖而當帝

位帝王所都為中故曰中國

並五帝本紀注

舜薦禹於天十有七年

若此則舜格于文祖三年之後攝禹使得祭祀與

禹避舜之子於陽城

今潁川陽城是也

益避禹之子於箕山之陰

崇高之北

並夏本紀注



白羽 白雪 白玉

孟子以為白羽之白性輕白雪之性消白玉之性  
堅雖俱白其性不同問告子告子以為三白之性

同謝惠連  
雪賦注

牛山之木

南小山曰牛山後漢書郡  
國志注

踰東家牆而撻其處子

撻牽也力頭切嵇叔夜琴賦  
注本作劉向

其所以異於深山之野人者幾希

當此之時舜與野人相去豈遠哉。任景升齊竟陵文宣王行狀注

摩頂放踵劉熙本作摩頂至于踵

致至也江文通詣建平王上書注

不以三公易其介

介操也馬融長笛賦注

猶棄敝屣也

屣草屨可履孔德璋北山移文注

變而不敬獸畜之也

若人畜禽獸但愛而不能敬也言鳥亦能報恩但

不知禮敬耳今人雖有供養而無禮敬與禽獸何

異乎

東哲補亡詩注

有故而去

按此條脫簡附錄于此

謂有他故不得不行或避怨仇者也

通典引蔡母遠注

獻

獻猶軒也軒在物上之稱也

何晏景福錄賦注

槽

槽者齊俗名之如酒槽也

劉伶酒德頌注。按此二條李善並引作劉熙

孟子注今本文無考附錄于此

卷終